



*Pharaon a la playe des fauterelles et hannetons ; neantmoins
continue à s'endurcir.*

LE Seigneur continuant dit à Moÿse , Va à Pharaon , car i'ay endurcy son cœur , & de ses seruiteurs , afin de mettre ces miens signes au milieu de luy , & que tu racontes à tes enfans , & aux enfans de tes enfans les choses que i'auray faites en Egypte. Moÿse & Aaron doncques allerent à Pharaon , luy disans , Iusques a quand refuseras-tu à t'humilier deuant Dieu ? quand laisseras-tu aller son peuple ? voicy i'ameneray demain en toute ta terre des fauterelles , qui la couriront , & mangeront le residu , & ce qui est échappé de la gresse , & mangeront les arbres en telle sorte , que vos peres , ny les peres de vos peres n'ont iamais veu telles choses ? Les seruiteurs de Pharaon dirent , iusques à quand sera cette ruine sur nous ; Laissez-les aller , afin qu'ils seruent au Seigneur. Et Moÿse & Aaron furent ramenez à Pharaon , qui leur demanda : Qui sont ceux qui veulent aller ? Et Moÿse répondit , Nous irons tous , grands & petits , & nostre bestial. On voit bien , dit Pharaon , qu'il y a de la malice en vous , il ne sera point ainsi , mais allez seulement entre vous hommes. Lors Moÿse fut chassé de la presence de Pharaon. Adonc suiuant le commandement de Dieu il fit courir la terre de fauterelles qui mangerent les arbres & herbes , dont Pharaon dit à Moÿse , I'ay peché , prie pour nous ; & à sa priere Dieu fit esleuer vn vent qui les chassa toutes en la mer.

Exode Chap. 10.